

مش ها أخاف لو إيه حصل لي

ما أنت ويايا

في المحن والضيق ها أصلي

ليك يا مولايا

ومنين الخوف ها يجي منين

وأنت ليّ معين.. أنت راعي أمين

وسنين تفوت سنين وسنين

لا غبت عني يومين ولا حتى غمضة عين

مش ها أخاف لو إيه حصل لي

ما أنت ويايا

في المحن والضيق ها أصلي

ليك يا مولايا

وجروح بتغيب أوام وتروح

لما أحكي لك وأبوح

معقول دا أنا ياما شلت حمول

حمولي أهه بتزول ومشاكلي ليها حلول

مش ها أخاف لو إيه حصل لي

ما أنت ويايا

في المحن والضيق ها أصلي

ليك يا مولايا

لا دموع ولا قلب كان موجوع

ولا في عطش أو جوع أبداً معاك يا يسوع

فرحان مافيش في قلبي مكان

للهم والأحزان أنا قلبي كله سلام

مش ها أخاف لو إيه حصل لي

ما أنت ويايا

في المحن والضيق ها أصلي

ليك يا مولايا